

نومرو ۶ — ۲۴

نسخه‌سی ۲۰ پاره‌در



امور اداره و تحریریه و اعلانات و ساژه ایچون مدیر
مسئوله مراجعت ایدلبدیر .

آبونیه‌سی بر سنه‌ک اعتبارله مالک هئایه ایچون
۱۵ و مالک اجنبیه ایچون ۲۰ فروشدر .

محل اداره باب عالی جوارنده ابوالسمود جاده‌سنده
نجم استقبال مطبعه‌سی

شم‌دیلک اون بش کونده بر نشر اولنور

مه‌فای امتک مقالات متصوفانه‌لرینه جریده
صوفیه‌تک صیفه‌لری آچیتدر .

تصوفی ، دینی ، سیاسی اخلاقی ، ادبی تورک جریده اسلامیه‌سیدر

عیسنندن بولندینی کوستریله‌بور .

— ۱۶ — التاجر الحیان محروم والتاجر الجور مرزوق ،

مفادی . بیع شرا احکامندن اورکه‌رک معامله‌لنده ضرردن
جکینانک ربح فائده‌دن محروم جبارتله تشبیهات تافهیه قوبولانک
مرزوق اولاجنی بیلدیریلوب تجارته تشویق اولنه‌بور .

— ۱۷ — التاجر الصدوق الامین مع النین والصدیقین

والشهداء ، مفادی ، معامله‌لنده استقامتی بالاعتیاد امنیت عامه‌نی
قرانان تاجر دنیاده رفاه راحت لوازمی استکمال ایده‌جکی کبی
عقباده پیغمبرلر صادقار شه‌دالره برابر عالی درجه‌لره نائل اولور
دیه تجارتک سعادت بشریه اسبابندن اولدینی کوستریله‌بور .

— ۱۸ — الجالب مرزوق والمحتکر ملامون ، مفادی ، بر

ردن دیگر ره متاع جلب ایدوب رایجیله صانوب تجارت ایده‌نک
مرزوق ، زیاده‌یه صانه‌یم دیه طعام حبسنه جرأت ایده‌نک زمره
ابراردن مطرود اوله‌جنی اراءه‌اولنوب احتکارک مذموم اولدیفته
اشارت ایدیله‌بور .

— ۱۹ — الظلمة واعوانهم فی النار ، مفادی ، ایامک مساعده .

سنه قاپیلوب شاهراه انصافدن بالمدول اخوانی حقوقه تعرض
ایده‌رک اعتسافی اعتیاد ایدن ظلمه واعواننک افعال نامرضیه‌لری
سائقه‌سیله عقباده ماوالری نار اوله‌جنی اخبار اولنوب اسلامیان
عدالته سوق اولنه‌بور .

— ۲۰ — طلب العلم فريضة على كل مسلم وواضع العلم عند

غیر اهله کتله الخنازیر الجوهر والاهواء والذهب ، مفادی ،
اکتساب معرفتده مساعیدن زیاده قابلیتک مدخلدار اولدیفته
بالارشاد طلبی هر مسلمه فرض اولان علمی اهلتک غیری به تعلیمه
اوغراشان آلتونی انجونی جوهری خزیرلر بوغازینه طاقاه —
بکزه دیلوب طالبک استعداده کوره ندریس اولن‌ان علومک
ثمره دار اوله‌جنی کوستریله‌بور .

جریده صوفیه

محترم قارئیرینه عید سعید فطری تبریک ایدر .

الْإِسْلَامِيَّة

مرصاد سلامت

— مابعد —

— ۱۲ — النيف يأتي رزقه ويرتحل بذنوب القوم بخص

لاغنهم ذنوبهم . مفادی اغنیانک ضیفنه اکرامی بر احساندن معدود
اسباب سلامتدن اولدیفته بالایما مسافرک قدومی داعی بمن برکت
ارتخالی ماحی ذنب مصیبت اولمغه خاندانک کنانهی ازاله‌یه بادی
اوله‌جنی خبر ویریه‌بور .

— ۱۳ — اياكم والدين فارهم باليل ومذلة بالنهار . مفادی ،

اودنک خلیله کیجه‌لری راحتی اویقونی سلب ایدوب غمی
کوندوزلری دانیلک اوضاعنه قارشو زلتی داعی اولان بورجدن
حذر ایدلسی بالتوصیه داعی سلامت اولان اقتصاده رعایت
ارشاد اولنه‌بور .

— ۱۴ — اطلبوا الرزق فی خبايا الارض . مفادی ، تخم الکک

اغاج دیکمک جواهر معادن جیقاره‌ق کبی برده مودوع الطاف
پروردکاردن استفاده‌یه اوغراشوب احتیاجانه کافی رزق آراغه
امک صرفنک مانع توکل اولیوب فائده‌لی بولندینی افاده اولنه‌بور .

— ۱۵ — تسعة اعشار الرزق فی التجارة والعشرة فی المواشي .

مفادی ، استحصا رزق و سائیک اوند طقوزی تجارتده
اوتجیسی برای تجارت حیوان بسامکده حاصل اوله‌جفته بالارشاد
اسبابه توسل سعی عمل لوازم معیشت رفاه راحت تدارکی دوا .

۲۱- انجرو - فی اموالیتی لانا کله الزکات . مفادی .

اموال ایتامی تجارتله نمالندرمغه بالاعتنا مساعی شرعی داترمسندگی صرفیانه تنافسندن وقایه مانترم عالی بولندی کوستریاب مستغلات وفقیه کبی مقتدر صاحبی کورونمیان اموالک ضرردن حراستی لزومنه ایما اولنه یور .

۲۲- ابنوا مساجدکم جماً وابنوا مدائیکم مشرفه .

مفادی . الطاف الهیمی برای استعجاب احیا اولان مساجدک جوامع عبادتده خلوص یقی وقایه ایدر مسورتده ساده ایکی اسکان استراحت ایچون انشا ایدیلان مدائیک فضاوتک شوکت اسلامیهی اراثة ایدرجه مننه شرف زینتی بالتوصیه شامراء سعادت ارشاد اولنه یور .

حیدر

نفس شریف

بسم الله الرحمن الرحيم

[۳۱) - (۲۴)] نومرولی نسخده استعید بالله (مرج البحرین بلتقیان بینهما برزخ لایسفیان مخرج منهما اللؤلؤ والمرجان فبای الاء ربکما تکذبان) آیه کریمه سنک تفسیرینه داتر بر مقدار مسرودات مندرج ایدی . عبد عاجزده بو آیه کریمه نک تفسیر وتأویل ونحقیقنه داتر اهل تفسیر و ارباب تأویل و تحقیق حضراتی طرفارندن سرد و ایراد بیوریاب مطالعه کذار احقری اولان اقوال متعدد مک خلاصه لرینی بوجه زیر جمع و تلفیق ایلدم والله اعلم ؛ ولکن وجهه هو مولها .

الله تعالی بری آجی دیکری طاتلی ایکی بحری برینه مجاور و ملاقی ایلدی وینلرینه قدرتندن بر مانع پرده قیلدی که بریسی دیکرینی باصوب خاصیت ومنفعتی باطل اولوب یه طاتلیسی طاتلی آجیسی آجی باقی قالور .

ای انس و جن ربک زک بو نعمتلرندن هانکیکنی تکذیب ایدر سکز . بو نعمتک هانکیکنی انکار ایدر سکز (من قسیر المواقب)

بحریندن مراد بیوکلکندن ناشی نیل مبارک بحرله بحر سفیددر . قارشیدینی محلده بونلرک منصب و ملتقاییدر . برزخده بوراده حاصل اولان قومدرکه سفینه لک قولایجه یا ناشمه سی ایچون بر نوع برزخ اولدیفندن قلاغوزه احتیاج مس ایدر مش .

لؤلؤ و مرجانده معلوم اولان روایتیه نظراً بوراسی حضرت موسی ایله حضرت خضرک ملاقات محلی ایش . بر قوله کوره ده : بحریندن مراد بحر علم ظاهر (علم شریعت) ایله بحر علم باطن (علم حقیقت) در . برزخده عقل بالملکدر .

بر قوله کوره : بحر حیات ایله بحر مماتدر . برزخده موجودانددر . بر قوله کوره : بحر جلال ایله بحر جلالدر . برزخده عوالم کلیه در . بر قوله کوره : بحر وجوب ایله بحر امکاندر . برزخده اجسامدر . بر قوله کوره : بحر مبدأ ایله بحر معاددر . برزخده انساندر . بر قوله کوره : بحر احداث ایله بحر واحدیتدر . برزخده مثال مطلقدر . امام قاشانی به کوره : بحر هیولی الجسمانی ایله بحر روح المجرددر . محل انتقاد وجود انساندر . برزخده نفس حیوانیدر . لؤلؤدن مراد علوم کلیه و یا خود حقایق المعارفدر . مرجاندن مراد علوم جزئییه و بخود علم اخلاق و شرایع کبی علوم نافعه در .

بر قوله کوره بحر مایح که سور و همیه و تعینات تقدیریه اولوب عدمه اشارتدر .

بحر عذب که قائم بذات اولان واجب الوجوده اشارتدر . ملتقاده من غیر حاول و لا اتحاد بخروج و بحر عدمک ملتقاییدر . برزخده حقیقت محمدیه در .

بر قوله کوره : عالم ذات ایله تعین و اسمادر . بر زخده ظهور محمدیدر .

بر قوله کوره : علی رضی الله عنه و فاطمه رضی الله عنهما در . برزخده حضرت محمد صلی الله علیه و سلمدر . لؤلؤ و مرجاندن مراد حسن و حسین رضی الله عنهما در .

بر قوله کوره : عقل ایله هوادر . برزخده لطف الیهدر . لؤلؤ و مرجانده شوق ایله توبه در .

بر قوله کوره : دنیا ایله آخرتدر . برزخده قبردر .

بر قوله کوره : حیات ایله مماتدر . برزخده اجلدر .

بر قوله کوره : حجت ایله شبهه در . برزخده نظردر . لؤلؤ و مرجانده حق و صوابدر . امام قشیری قوله کوره : خوف و قبض ؛ ایله رجا و بسط در . برزخده قدرت بی عنتدر . لؤلؤ و مرجانده احوال صافیه ایله لطائف و اقیه در .

بر قوله کوره : روح ایله قلبدر . ملتقاده مقام وحدتدر .

بر قوله کوره : قدم ایله حدوثدر . برزخده عقل و عامدر .

بر قوله کوره : قلب ایله نفسدر . برزخده عقل و علمدر .

ابن عطاء فولنه کوره : بحر بحاث قرآن ایله بحر هلاک دنیادر .

بر قوله کوره : افعال ایله صفاتدر . برزخده ذاتدر . لؤلؤ و مرجانده اسما ایله احکامدر .

بر قوله کوره : قلب مرشد کامل ایله قلب مسترشد صادقدر .

برزخده بعضاً مسترشد عارض اولوب حجاب و غفاتی مؤدی اولان انانیت جملیه در . لؤلؤ و مرجانده حب الهی و معارف سبحانیه در .

بر قوله کوره : اخلاق محموده ایله اخلاق مذمومه در .

برزخدر عقل و علمدر .